


廣弘明集

卷十二

四百七十七
亦二

51372



元祿九年丙子二月日重脩

皇圖鞏固 帝業綿昌

佛日增輝 懋輪常轉

山城州天安寺法金剛院置

廣弘明集卷第十二

亦

大唐西明寺釋道宣撰

辨惑篇第二之八

決對傳奕廢佛法僧事并表

綿州震響寺沙門釋明粲

僧明粲言既聞三皇統天五帝御寓道含弘

而遠大德普覆而平均敷善教以訓民布慈
心而育物逮乎中古其道弗虧故漢武欽明
見善而弗及顯宗睿哲體道而弗居遂能紆
屈尊儀甘泉禮金人之瑞翹想夢寐德陽降
銅像之徵於是秦景西遊越流沙而訪道摩
騰東入跨葱嶺而傳真遂得化漸漢朝寺興



白馬之号道流晉世刹建青龍之名其間盛
寫尊儀競崇寺塔騰慧雲於落仞涌法水於
窮源駢有識於福林登蒼生於善地開闡佛
法昭化愚蒙故得永平季年嘉瑞臻集慶雲
流潤湛露凝甘澤馬騰驤神雀翔集朱英吐
含頰之秀紫葩生連理之枝可謂不世之奇
徵非常之嘉瑞者也於是西域入侍南越歸
仁偃革休兵銷金罷刃豈不由感聖降靈奉
戒行善精誠昭著貫達幽明者哉故書云天
生神物以祚聖人無德斯隱有道則見著之
博史可得而詳惟我

大唐膺期啓運握機御曆誕命建家初起義

則道叶百靈始登圖則威加萬國故世充化
及授首於東都建德武周櫬身於北朔荆吳
剋定秦隴廓清方應駕七寶而飛行導千輪
而輕舉巍巍弗與蕩蕩誰名功既成焉事亦
畢矣加以留心佛法眷言匡護故莊嚴揔持
再興九級沙門釋子更度千人像化弥盛於

前朝寺塔更興於聖世方頂戴三寶弘護四
依合掌佞頭忘帝王之貴歛心屈膝盡至敬
之誠槩自慶遭逢屬此嘉運方願息心淨刹
畢志玄門慄厲六時以酬聖世之德翹勤五
體用報罔極之恩而奕忽肆狂言上聞朝聽
輕辭蔑聖利口謗賢出語醜於臬音發聲毒

於鴟響專欲破滅佛法毀廢衆僧割斷衣糧
減省寺塔其故何也奕曾爲道士惡妬居懷
故毀聖劣凡讚愚勝智以下誇上用短加長
違理悖情一至於此但讒言害德偏聽傷賢
故宋受子罕之言囚於墨翟魯信季孫之說
逐於尼丘二子之賢弗能自免八條之謗或
累於人然 主上欽明弗容讒慝縱其三至
寧致一疑但浮雲在天白日有時虧照遊翳
拂日陽精爲之不明而傳奕浮辭迷於視聽
情理眩惑言語混淆弗可專聽豈應偏信請
共決對存毀分甘槩忝在緇徒預叅法侶忽
聞誹謗寧不深傷縱迴刃剗心未以爲痛抽

刀斫髓詎以爲殘。謗讟之深傷酷甚此。經云
亡身護法沒命弘道。此其時也。方抽腸瀝膽
報邪逆之仇。讎申表獻誠雪師父之謗辱。冒
昧忤聽。追用驚惶謹言。

謹奏決破傳奕謗佛毀僧事八條列之如左
第一決破僧尼六十已還簡令作丁兵強農

勸事

旣聞至理絕言本出毀譽之外玄

宗離說寔超語默之端。然物情不悟。寄言深
淺。世道多惑。假示精麁。故有內外道殊。邪正
說異。凡聖位別。大小教分。若以同會一乘。豈
執之以謗佛。終趣極果。不封之以認眞。譬千
川之赴滄溟。萬流之歸巨海。內外明證。豈虛

言哉故法華言於諸過去佛現在或滅度若
有聞法者無一不成佛又涅槃經言一切衆
生皆有佛性究竟皆當成得佛道又道家法
輪云若見沙門思念無量願早出身以習佛
真若見佛圖思念無量當願一切普入法門
又靈寶洞玄真一經云衆真高仙已得佛道
又靈寶太上秘要經云各於現在同得佛道
故知不二妙門終須齊入唯一極果要必同
登苟執異端自貽迷墜近代學者率意庸愚
偷竊真言安置僞典故五道輪轉託作仙經
三千威儀假稱道戒詣佛受法改作天尊勤
行作佛轉爲金闕本行迴爲本相佛言題作

道言橫託佛法之威儀倣習衆僧之法式或
持真當僞詎識是非翻正入邪豈知顛倒事
同癡賊竊狐裘而反彼有類愚夫盜珠瓔而
倒著如斯條類數亦衆多略舉二三不可觀
縷但傅奕曾爲道士身服黃衣不遵李老無
爲之風專行張陵兵吏之法或身爲米賊聚
斂無端名稱鬼卒呪咀寧忌湯沐梳櫛與俗
旣同耽荒愛慾將世何別加以內懷嫉意外
肆狂言誹謗紛紜罵詈重疊此而可忍孰不
可容今依事條次第決破願垂聖鑒少詳覽
焉奕言衆僧剃髮染衣不謁帝王違離父母
非忠孝者今之道上戴幘冠巾應拜時君在

家侍養爲忠孝不今旣不然豈獨偏責夫論
忠者事君以盡命徇義以忘身孝者奉親竭誠
存沒以資濟故道安直諫以輔秦佛圖忠言
以庄趙目連捧鉢而飼母釋迦搭棺而葬親
寧國濟家豈非忠孝也不如道士張曾亂於
漢朝孫恩反於晉國陳瑞習道而夷族公旗
學仙而滅門亂國破家豈有忠孝也

又言衆僧仇疋內通衣形外隔天胎殺子違
禮逆天者今道士旣含氣修齋交接受道應
護胎生子順禮合天此則伉儷久成陰陽本
合而無產孕真是天胎宜簡令作民使其養
子增加戶口添足兵丁豈非益國利民者乎

又言僧有十萬六十已還簡令作丁則兵強
農勸者夫論兵強者尋衆僧之類稟如來之
教食唯米麵之素供唯芋菘之質體瘠力羸
心虛氣弱不折生草詎踐蛄虫習忍修慈好
生惡殺對敵多怯下手必疑徒勞行陣無益
兵勢也如論道士人足數萬祭三事五受禁
行符章奏必宰雞肫祭醮要求酒脯鬻膾醢
醜恣其醉飽體肥力壯心勇氣強安忍無親
惡生好殺臨陣必勇下手不疑列以軍伍決
強兵勢若按其力則道士強論其德衆僧勝
去取之宜斷可知矣若言躬耕力作以爲農
勸者此由局見未是通途夫俗不可以一禮

齊政不可以一道治士不可以一行取民不
可以一業成故漢書貨殖部云古之四民不
得雜處士相與言仁義於閑宴工相與議伎
巧於官府商相與語財利於市井農相與議
稼穡於田野此四者各安其居而樂其業故
得財成天地之宜用資國家之利今者衆僧
亦各有業論其內以慈忍推心即是士之仁
義語其外權巧化物即是工之伎能談其行
以施報相酬即是商之市井語其道以自他
兼濟即是農之力田此則克誠可以感鬼神
唯德能以動天地運慈心以降澤布恩惠以
潤時故善政者驟雨隨車飛蜚避境隴麥雙

穉成禾九栽蓋由善政之功匪唯勲農之力者矣
又言欲令衆僧拜謁帝王編於朝典者此之
一見迷倒最深既自落坑引他墜井欲令同
陷其可得乎昔桓玄篡逆狂教無道已有此
論朝議不從云沙門釋子剃髮染衣許其方
外之人不拘域中之禮故袈裟偏袒非朝宗
之服鉢盂錫杖豈廊廟之器而玄悖逆固執
不悛既屈辱三尊飄蕩七廟民怨神怒衆叛
親離軍敗於東陵身喪於西浦覆車明鑒孰
不誠哉我大唐皇帝命聖挺生應休明之期
當會昌之運止塗息炭拔溺濟沉弘聖教以
訓民垂至仁以育物年和歲稔氣阜時昌至

德玄功疇能殫紀如以內懷四信外奉三尊
屈乘輦而歸依降冕旒而迴向故得八方誓
賴萬國朝風豈責離俗之人今備在家之禮
今道士披褐執板戴幘冠巾旣服臣吏之衣
須行朝謁之禮昔天師貴士尚拜帝王今鬼
卒賤夫須跪鄉相宜令道士習其師法朝謁
帝王參拜官長編於朝典不亦宜乎

論言案漢魏已來時經九代其間道士左道
亂朝妖言犯國者披閱圖史何世而無後漢
獻帝張陵張魯詐說鬼語假作讖書云漢祚
滅後黃衣得天下遂與鉅鹿張角遠爲外應
造黃巾披黃帔聚合徒衆誑誘愚民謀危社

稷尋被誅滅故禮古左道亂羣者殺之今者
道士不著李老叅朝之服乃披張魯亂國之
衣師弟相承賊行不改人數既多共結賊黨
或致窺覲寧不備預計數有五萬簡令作丁
年稅貲租歲產男女則利國益民強兵農勸
如槩愚見其如法者遵而奉之其違禁者廢
而使之庶莠稗一除田苗鬱茂姦邪既遣徒
衆肅清豈不善歟

第二波破寺作草堂土舍則秦皇漢武爲有
德之君者

槩聞法身無像應物有方故假現全身置于
多寶之塔權分碎質流乎阿育之龕龍故能聚

散隨緣存亡任物聖力權變不可思議但佛
生天竺隨其土風塋必闍維收必起塔塔即
是廟廟者貌也祭祀承事如貌存焉今之國
家宗廟杜稷類皆然也但如來滅度一百年
後有阿輸伽王鐵輪御世以威德使鬼神修
福力興靈廟故八萬四千之塔不日而成千
枉百梁之堂匪朝而就詎勞人力自是神功
豈以凡夫之情而疑聖賢之事何異斗筲測
大海尺寸量虛空其可得乎舍利東流吳王
創感僧會誓請丹誠至而忽臨孫權驗試砧
礎陷而彌固於是騰光上徹照灼斧戩之間
發彩傍通鬱映巖廊之下會時欣躍廣讚威

靈爰及朝臣聞皆信伏即爲建塔并置伽藍
緣是江左大弘佛事豈若太上骨朽於關中
別無舍利天師體塋於馳腹詎有遺身靡所
依憑便生妖詐聞佛有舍利八斛用表遺身
遂畜小石二枚以代仙卵然仙卵本狂豕之
陰玄壇乃老鬼之廟若言舍利胡骨理勝狂
豕之陰佛圖胡塚寧同老鬼之廟豈可以高
下相況等級寄言故今道士見舍利如眼梗
詎肯歸依覩浮圖若心刺專謀破毀徒懷邪
惡其可得乎歷代已來爲帝王者並夙種善
根多懷正信傾珍造塔撤寶崇眞皆欲伸其
追遠之誠致其如在之敬故繕興九級備盡

莊嚴式構百梁窮其壯麗致使貧人捧奠則
梵宮立成長者絝繩天堂即現因果之道斯
理皎然闇識之徒弗能悟矣

論言案仁王經世間帝王有其五種一粟散
王威德最劣二鐵輪王治闇浮提三銅輪王
兼二天下四銀輪王化三天下五金輪王統
四天下此之五王論其位上下不同語其德
勝劣有異推秦皇漢武闇浮提內唯王震曰
五種王中粟散王也斯乃德劣而居勝殿位
卑而處高臺不以恩惠感人專以鞭撻使物
致神祇憤責民庶呼嗟故史官貶之以爲無
道又身沒之後盛造墳陵費損万金勞役百

姓於是骨肉消散靈影滅無年代寂寥威福
何在我釋迦應世德位獨高道冠百靈神超
萬億聖中極聖德過千聖之前王中法王位
居百王之上豈伊秦皇漢武而較其優劣者哉
佛則德高而居勝殿位極而處高臺唯以德
化感人不用鞭撻使物自有帝王喜捨靈神
影助滅度之後爲興塔廟舍利不滅威靈尚
存毀之立見惡徵破之眼看到禍故吳主孫
皓奢淫苛虐不忌罪福言無報應掘得銅像
令置廁前至四月八日小便像頭云今八日
以灌尔頂須臾之間即患陰痛苦毒難堪太
史占之云犯大神遍禱靈祇都無降異後聞

說佛方乃驚惶自慨前過即遣迎像香湯沐浴叩頭謝過應聲即愈緣是生信戒懼終身又宋臣謝晦身臨荊州城內有五層寺寺有舍利塔晦性凶勃先無誠信去寺塔不宜禍城令毀而出之於是自領軍士直至塔前衆皆戰慄莫敢舉手晦遂嚴鼓駈逼軍人撞擊

龕門破斫尊像俄而雲霧闇地風塵漲天晦及軍人身蒙灰土以手拭之皮肉隨落遂成惡疾遍身癩瘡不久叛逆尋被誅滅此事並如宋宣驗記說略依記傳疏此事條示諸未悟曉其心目耳如槩愚見釋迦應世物共尊崇在昔之時已有寺塔今之造者請而存之

李老棄世止尚虛無在世之時全無館舍今
之奢競請宜省之

第三決破諸州及縣減省寺塔則民安國治
者槩聞在昔明王恭己南面智擬天地不自
慮也辯雕万物不自說也何則勞於求士逸
於駟使之任役得其人天下自治故訪道宣
室思政明堂揆務分司訟方授職八愷並列
十亂當朝用能保乂國家剋寧社稷於是弘
慈悲之化緩賦而恤貧行至仁之教省刑而
慎獄敷德澤遠至而迹安定成功制禮而作
樂斯爲至治可得而稱故書云治國以安民
爲基安民以良吏爲本若得其人則國安非

其人則民亂故知忠臣良吏可以治國安民
者也然須崇善建福樹果修因敬事神明承
奉靈廟豈可毀塔廢廟併寺逐僧靈祇爲徵
禍福須慎而弁凶勃專肆狂言聖朝明鑒理
無致惑 論言竊見標樹爲社立塼石以稱
君累土成壇束茅纂而爲飾至於急危求請
微有威靈雨旱祈誠片致恩福況佛神儀嶷
介靈相儼然而欲輕毀其可得也自漢明感
夢寺興白馬之名孫權驗瑞塔始建初之号
自斯厥後相係而興向若神道泯無帝王豈
應敬事威靈歇滅國主寧復傳承並以目驗
身臨故使歸依迴向未若道家都無承據李

老事周之日未有玄壇張陵謀漢之晨方興
觀舍故後漢順帝中有沛人張陵客遊蜀土
聞古老相傳云昔漢高祖應二十四氣祭二
十四山逮王有天下陵不度德遂搆此謀殺
牛祭祀二十四所置以土壇戴以草屋稱二
十四治治館之興始乎此也二十三所於蜀
地尹喜一所在於咸陽於是誑誘愚民招合
兇黨歛租稅求米謀爲亂階時被虵吞逆豐
弗作至孫張魯禍亂方興起於漢中爲曹操
誅滅自介迄今群孽相係依託治館恒作妖
邪故漢順帝中平元年鉅鹿人張角自稱黃
天部師有三十六將皆著黃布巾遠與張魯

相應衆至十萬焚燒鄴城漢遣何南尹何進
將兵討滅又晉武帝咸寧二年爲道士陳瑞
以左道惑衆自号天師徒附數千積有歲月
爲益州刺史王濬誅滅又晉文帝太和元年
彭城道士盧悚自号大道祭酒以邪術惑衆
聚合徒黨向晨攻廣漢門云迎海西公殿中
桓秘等覺知與戰尋並誅斬又梁武帝大同
五年道士袁旌妖言惑衆行禁步崗官軍收
掩尋被戮滅至隋開皇十年綿州昌隆縣道
士蒲童與左童二人在崩漢館自稱得聖誑
惑人民重床至屋却坐其上云十五童女方
堪受法令女登床以幕圍繞遂便姦匿如此

經月計所姦女出數百人後事發覺因遂逃
亡又開皇十八年益州道士韓朗綿州道士
黃儒林扇惑蜀王令興惡逆去欲建大事須
藉勝緣遂教蜀王傾倉竭庫造千尺道像建
千日大齋畫先帝形反縛頭手呪而厭之河
北公趙仲卿檢察得實送身京省被問伏罪
出市被刑今大唐革命妖惑尚興以去武德
三年綿州昌隆縣民李望先事黃老恒作妖
邪去大業季年有道士蒲子真微閑道術被
送東京至梁漢身死因葬在彼而李望矯假
云子真近還又彼縣山側有一石室巖穴幽
闇人莫敢窺望乃依憑以作妖詐在明則張

喉大語領納通傳入閤則噎氣小聲詐說禍
福遂令正直檀越幾致迴向邪曲愚夫理宜
尋信道士傳說達縣聞州官人初檢並皆信
受後刺史李大禮云此事非輕必須申奏要
假親驗方定是非遂與闔州官人并道士等
一百餘騎同乘鞍馬競飾衣巾多料祭盤倍
科醮物酒脯雜味任彼所須同至窟前再拜
祈請望時詐荅聞者傾心唯巴西縣令樂世
質深達機情知其誑詐入閤密候見望咽聲
質時呵之望即款伏收禁州獄方欲科罪未
經數日服藥而終旣緬尋圖史博究古今記
傳所聞眼目所見左道亂政世有其人略出五

三以爲鑒誠願垂照覽宜簡除之如槩愚見
若行李老清虛之道依而存之若習張陵雜
穢之法糺而廢之此則蕩彼妖邪去其殘賤
可謂止暴息亂豈非治國安民者乎

第四波破僧尼衣布省齋則蠶無橫死貧人
不飢槩聞稟和合之氣成虛假之身外命所
須藉衣食以資養內報所恃依形神以存立
形神不可孤立藉衣食以資之衣食不可過
費行廉耻以節之故遺教經云比丘受食趣
得支身又言著壞色衣以捨飾好斯爲明訓
孰不遵行但如來制戒對根不同人有上下
制有寬急上則制之以急使其頓修下則授

之以寬令其漸進上制急者日唯一食食止
菜蔬身止三衣衣唯糞掃下制寬者食許兩
時味通蘇乳衣開十長服許繒綿或有老病
之僧身兼凍餒沉痾之士體困飢寒須給其
衣裘資其藥石此則上根不假衆具白尔證
真下輩要藉資緣方得悟道欲令一准其可
得乎若節僧尼衣布省齋濟貧活墮者計
僧尼一齋止食一鉢一著唯衣數縑而言損
田夫十口殺蟹十方者計道士一醮酒脯百
盤一年命綾千疋應損千軍之食殺萬億之
蟹而弈知道士損多揚癡不計僧尼費少子
細偏論此全黨言君子弗聽如槩愚見宜斷

道士醮祭及以命綾此則有益於國家不損於民物若縱而不禁損國害民聖上欽明寧不鑒照

論言尋道士盟經先受十戒次八十戒後一百八十戒及三百大戒乃至坐起卧息三千威儀皆玄秘要不妄授人尋靈寶智慧上品十戒創首即言不色不欲心無放蕩又消魔智慧經言見人妻子願出愛獄道士稟承理應遵用而建首不行專事違犯何者戴巾執板似欲依經而畜婦養兒還成破戒此則公行色欲竟不知慙故違經戒寧應有愧何異雞雀對戶交欲而無著狗豕當衢行姪而無

耻多飲醜水忘失思微縱恣六情違犯十戒
初之一戒旣破不持後之三千理廢無用符
錄科禁何所施行又依老子金丹之經真人
內朝之律朔望之際侍師私房情意相親男
女交接使四目二鼻上下相當兩口兩舌彼
此相對陰陽旣接精氣遂通此則夫婦之禮

成男女道合以斯修道道不可修以此出家
冢寧可出顛倒迷惑何其甚哉又言佛是黠
兒理豐智慧觀音戲伎實足權竒不同祭酒
亂朝癡無智慧天師蚩螯詎有神通夫免禁
釋囚諸佛大慈拔苦除害觀音至行祈恩自
施非詐誘而覓財報德出心豈迫憎而取物

若觀音慈悲拔獄即是該囚天師行禁殺怨
應爲斬士然佛觀善則勸聞惡則憐慈悲平
等怨親無二老子亦言其善者吾亦善之其
不善者吾亦善之不如天師事五將三神四
司九府受呪咀之法行禁厭之符怨者令顛
狂失心憎者使驚怖失命此真世俗之惡神
人間之殺鬼也如槩愚見今時道士塗炭合
氣禁呪章符此並非李老正言乃是張陵邪
法妖惑誑詐損國害民請宜禁斷息其邪僞
也第五決破斷僧尼賂貯則百姓豐滿將士
皆富槩聞八大覺行以少欲標先五比丘名
以乞士爲最故少欲省事無復經營之憂乞

士任緣寧有藏積之累老子云多藏必亡又周
禮云積而能散積而能散則行合檀那多藏必
亡言符聖旨尋老子行無爲之道專任清虛
修寂靜之心弗營世務然今道士都不遵承
故二錄大齋三元慶會招合愚黨誘誑迷徒
設廚食以邀賓置酒鮭以待客遂使監齋分
肉事等庖丁觀王典鮭還如屠士肉須乾腊
雜血便吞酒使清醇半糟即歆饕餮難滿縱
恣無厭加以多料紬綾以爲命綵廣科黍麥
持作道租傍此興生積聚盈庫因斯畚轉居
貯連倉溪壑之心寧知滿極至於高門仕族
判不歸從下姓田夫偏來湊集非是崇其道

法直爲貪其酒鮓猥雜繁多弗可殫述加以
徒衆卑末人品凡庸故出家沙門多是貴勝
在觀道士例是卑微故梁武帝登祚之後施
身入寺供養衆僧隋帝之時秦孝王見捨位
出家修行佛法未曾聞一帝王施身入觀未
曾見一王子出家事道自餘高門士族貴勝
豪家或有夫婦相辭俱時離俗男女相勸同
共出家目見耳聞何待言說若言斷僧尼賂
貯今軍民富足者夫論貧富皆是業緣貴賤
並關運命愚智不可易慮妍醜弗可換身故
經云果報好惡定之於業書云命相吉凶懸
之於天以此言之軍民業貧者與之而弗得

必其相富者任置而恒豐故漢文帝以夢而寵鄧通相者占通貧而餓死帝曰能富在我何謂貧乎與之銅山專任冶鑄後遭事逃避餓死人家又寧稟離王侍婢有娠相者占之貴而當王王曰非我之胤便欲殺之婢曰氣從天來故我有娠及子之產王謂不祥捐圈則猪噓弃欄則馬乳而得不死卒爲夫餘之王故知業緣命運定於冥兆終然不處弗可與奪也論言案經所明業果不謬作善得福爲惡受殃斯理皎然如何致惑今若引經據理弥益其深迷且依書指事以開其淺識何者昔武丁之時亳有桑穀共生于朝太史占

曰野草生朝朝其二矣武丁恐懼側身修善
桑穀枯死殷道中興豈非爲善而有福也又
帝辛之時有雀生烏在城之隅太史占曰以
小生大國家必昌帝辛驕暴不修善政殷國
遂亡豈非爲惡之有殃也如弈所言將生時
之實貨買死後之虛名意謂生時布施死後
無報愚闇之甚矣可與言眼見春時種殖空
竭倉儲秋收冬藏充物府庫故施有來報感
胎疊之與掌錢德必現酬致銜珠之與負鹿
此並經籍明證何可致疑又言禮佛不得尊
豪設齋不得富貴者尋國家太廟先皇之靈
百神陪侍万民恃賴至尊拜跪故得居大位

而處尊名臣吏鞠躬荷寵靈而享富貴況佛法王威神高遠德過千聖道冠百靈禮拜祈誠理當富貴歸依懇至必致尊豪昔人一瓢以濟餒夫尚得扶輪相報今一齋以供大聖寧無福祿相酬科類而言理無致惑如旣所見賂貯有二一則是衆佛已先聽二則是私如來久制此開衆禁私大聖明訓宜令道士習此成規禁私開衆漸學佛法故春秋云齊桓公問禮於左師與子產左師曰夫禮者天之經地之義民之行也大國用之小國習之今道習於佛類同此也

第六使破帝王無佛則大治年長有佛則虐

政祚短槩聞中國者三千日月萬萬三千天
地之中央也故有輪王迭出聖主繼興御七
寶而王四天行十善而被萬國開平等之化
和怨以睦親扇慈悲之風勝殘而去殺故得
不威不怒物以之行不役不勞民以之治自
大劫將邁淳風漸澆至德云衰正氣斯殄於
是五濁鼎沸三災競起十六大國各擅尊名
八十聚落咸據封域競尋戈劍爭事廢興彼
此貪殘更相屠害故釋迦愍斯塗炭哀其沉
溺陳經教勸善以誘賢制戒律禁惡以懲罪
皆令息妄歸真還源返本比乎中原之地上
古之初世朴時淳書契未作民澆俗僞典籍

方興故周公不出於上皇孔子唯生於下代
制禮作樂導俗訓民致治興風匡時救弊皆
欲令止澆息競返素還淳比於釋迦其揆一
也若見言帝王未有佛法之前則大治年長
有佛法之後則虐政祚短不得事佛像不得
讀佛經者科類而言帝王未有周孔之前則
大治年長有周孔之後則虐政祚短亦不得
祭周孔神行周孔教理豈然乎但無佛無法
人不知遠惡以修善無禮無教世不識事君
以養親以此而推禮教不可一日而虧佛法
豈得暫時而廢也

論言尋弈所引自後漢光武已前無佛法則

祚久長年子必嗣父臣不篡君從漢明已後
爲有佛法子弗嗣父臣多篡君驗弈此言知
其庸闇雖引圖史弗究始終緬尋上代已來
爲帝王者或一身而絕或累世而亡如帝摯少
昊治政繁雜九黎作亂其嗣不肖一世即亡
帝摯亦無正嗣治不滿朞一身而滅自後唐
堯虞舜子皆不肖一身絕滅夏桀殷紂並皆
暴虐爲臣所誅其間或爲臣而篡君如羿之
與寒浞或爲弟而奪兄如仲王之與雍已至
乎周世子朝之逐敬王子廢父也暨乎秦室
趙高之殺二世臣殺君也至前漢呂后亂朝
王莽篡政此豈有佛法使之然也若言自漢

明已後迄乎蕭齊皆爲崇佛法虐政祚短至
於宇文旣破滅佛法應善政祚長而弈盡蕭
齊則論至宇文不說非但誑惑民庶亦乃欺
罔聖朝以此而論事合繩劾但宇文篡魏而
立虐政無道君臣猜貳兄弟相誅陵蔑聖賢
毀破佛法治唯五主二十四年推此一條帝

王無佛法則虐政祚短有佛法則善政祚長
近代同知寧不信也但弈太史之官委任處
重須慎機密無得妄言故古者聖人當言而
懼發言而憂而弈不慮禍福專事妖邪或置
後引初或隱首露尾蔽護道法謗毀佛僧唯
事偏辭竟無正語聖朝明鑒寧不察哉如槩

愚見帝王欲得祚久年長者必須興隆佛法
樹善修功慈育群民勝殘去殺明死生之分
守止足之心納忠諫之言遠佞諂之說如此
則三十之期自遠七百之祚悠長故淮南子
曰夫天下有貴而非位勢有壽而非千歲適
情知足則貴矣明死生之分則壽矣

第七使破封周孔之教送與西域而胡必不
肯行用槩聞仲尼逝而微言絕弟子喪而大
義乖自介詩書紛然淆亂至秦皇焚滅典籍
散亡漢武聿興文藝還闡至於處大庭之館
居玄宮之室習無爲之道行不言之教以謙
挹爲德畀弱爲心專任清虛杜絕仁義務存

嘉遁委棄身名九流之中則道家之流也故漢書藝文志云道流者蓋出於史官歷記成敗古今之道有三十七家今之李老蓋一家耳至於建康莊之第築碣石之宮闡儒學之宗弘文藝之術興邦制治導俗訓民禮樂緝修憲章攸序九流之內儒學之流也故漢書藝文志云儒流者蓋出於司徒之官辨陰陽明教化宗堯舜師仲尼有五十二家今儒學所傳也九流之中二化爲最百家之內兩學爲先用各有宜弗可廢也何者道法是虛無之唱而違俗不可以救弊儒術乃教化之談而順民可以導物考而言之非無優降尋李

老專任無爲止來自度心無廣濟行闕兼他
片同聲聞之自利也故清淨法行經云摩訶
迦葉化爲老子迦葉既是小心老子又無大
志法行之言信而非謬也孔子以術藝訓人
禮教齊俗少習利他漸學兼濟片同菩薩之
利他也故清淨法行經云儒童菩薩化作孔
丘儒童既是大心孔丘復有兼濟法行之說
理豈虛哉考乎李典爰及孔經教迹乃分理
致終一若言封周孔之教送與西域而胡必
不行弈意豈不云胡教來此漢人亦不得受
科類而言昇降懸矣尋佛是大聖化滿十方
遠降威靈漢明親覩君臣欣感民庶歸心故

遣使西行遠到天竺摩騰隨至傳化迄今周
孔少聖德局一方不能遠降威靈使彼親感
故西域之人無緣生信亦不遠此迎周孔之
經爲此禮教不行西土以此而推抑可知矣
論言尋辛卯夜明曾史傳其化迹丙子星教
漢冊記其威靈然後像教西移法流東漸自
摩騰降漢創譯真言爰多入隋盛翻釋典藤
皮貝葉遠傳天竺之文玉牒金牋近翻震旦
之語介來流演迄至于今從漢明已來時經
一十五代譯人一百九十有六所出經律記
論二千一百四十五部合有六千一百五十
二卷此並梵音所演天竺所傳論其龍窟經

厨十分而未盡鷲山法藏万倍而何窮今之
所翻蓋少多耳考其帝代尋其圖史典誥明
據奚可致疑緬尋道家所注經籍昔無今有
真少偽多如藝文志明於道流雖有三十七
家七百九十三篇唯七家八十二篇明李老
清虛自守之道自餘三十家七百一十一篇

乃明帝王治化古今之道故後漢書法本內
傳云漢明帝永平十四年正月一日朝正之
次五岳十八觀諸山道士褚善信等六百九
十人聞攝摩騰竺法蘭等將佛經像來到洛
陽傾國敬崇率土歸向信等內懷惡嫉求欲
校量盡將道家經書合三十七部七百四十

四卷當時對燒並皆焚燼善信等慚憤感激而死以此而推漢明之時道家經書只有三十七部七百四十四卷雖有多軸非盡道經唯五百九卷是天尊道君所說餘二百三十五卷乃黃老等諸子之書自介已來過此數者並是道士增加妄造不可承信爰至宋朝道士陸修靜答宋明帝云道家經書并藥方符圖摠有一千二百二十八卷唯此爲正餘者並非而今道士或出情製造或改換佛經添足目錄增加部表云有二千四十卷復過前數幾許浪言請問道士後出之經爲是天尊更說爲是老子前陳縱使說經應有處所

爲是何帝何時何年何月如必有據容得流傳如其詐妄理合刊削又俗士所製取作道經此之流類數亦多矣如太玄經楊雄所造洞玄經王褒所製指歸經嚴君平造三皇經鮑靜所製開天經張泮所造化胡經王浮所製或取盤古之傳或取諸子之篇假認俗書以爲道教偷竊釋典持作老經前已略陳不能重述似貧人罄窘盜他寶爲家財飢者困窮取芻芥爲美食如槩所見老子二篇正是道經依令行之自餘諸部皆是妄認事須正之庶知道與佛殊李將釋別則使鼠璞不濫雉鳳條分後學之徒豈應謬歟

第八決破統論佛法虛多實少道人假說
聞真身絕待非形方質礙可求至理出情
豈言談語論可得大矣哉蕩蕩乎大道之外妙矣
哉超絕乎真一之表於是四句頓亡百非洞
遣窮言極慮物莫能名者哉但妄識悠悠迷
情蠢蠢縱四狂而弗惺耽五醉而長昏故大
聖垂慈志存拯拔於是開五乘之迹通四辯
之音非身現身身滿於法界無說示說說遍
乎大千故有微塵化身分散而莫盡恒沙法
藏流演而無窮故須彌圖經云寶應聲菩薩
化爲伏犧吉祥菩薩化作女媧儒童應化作
孔丘迦葉化爲李老妙德託身開士能儒誕

孕國師又涅槃經云所有經書記論伎藝文章皆
是佛法以此而推三皇五帝孔李周莊皆
是菩薩化身所收文字圖書詩章禮樂並
是諸佛法藏所攝文理昭然豈爲虛妄而
妄執言認理覩化迷真專以形迹見譏名
器相倚將泥木以毀聖持鐻畫以難真
然鐻畫代真寧是真佛泥木表聖非即
聖人故佛有覺名假名非實佛有形像
假像非真非真而立像爲令因像以悟
真非實以施名爲令因名以悟實無名
無實悟者所以豁虛非像非真造人所以
玄會妙哉斯言之至也深矣斯理之極也
而弈闇於深理迷於業報弗論身後

唯計眼前若言欲求富貴唯須壯馬負鐵効
力疆場不須造像修功以祈福力者武周壯
馬最多世充厚鉀不少効力征戰固守疆場
常應富貴今者何在若言欲得布絹豐饒穀
米成熟但栽蒔桑麻積聚爛糞不須寫涅槃
千部誦法華百遍以祈福力者建德廣占桑
田薛舉大足馬糞長應積殖多納倉廚今復
何在若言欲得糧貯充物耕穫弗愆但開渠
引水灌畦注埤不須轉海龍王經十部以求
雨潤者蕭銑據有荊州堤堰倍常沃潤應課
收納保據封疆今復何在以此而推我
大唐皇帝內則樹善憑福外則應天順民故

得華戎率從羣兇授首倉庫充仞封域廓清
若非內外福饗豈能剋定艱難者也若言欲
求忠臣孝子佐世治民唯讀孝經一卷孝子
二篇不須廣讀佛經者尋此經但明世間忠
孝未及出世忠孝何者夫處俗躬耕奉親以
竭力出家修道遵法以興慈竭力者答現前
之小恩興慈者報將來之大德雖暫乖敬養
似若慢親終能濟拔方爲至孝斯則利沾三
世豈唯旦夕之勞恩潤百生寧責晨昏之養
較其在生勝劣明矣若言老子二篇足明忠
臣孝子佐世治民者尋老子絕慮守真亡懷
厭俗捐親弗顧棄主如遺豈論奉孝守忠治

民佐世也故老子云吾所以有大患者爲吾
有身及吾無身有何患乎此全馱身棄世弗
可佐世也又言貴身有天下者可以暫託不
可久也河上公注云人君貴身而賤人欲爲
天下主則可暫寄不可久居此令捨俗遺榮
不可以治民也尋傳弈負恃凶頑輕弄脣吻
辭繁理寡語少罵多縱瞋毒以中人逞惡言
以迷俗於是梟音醜氣稍滿村閭鴉響毒聲
漸喧行路遂令無識邪黨唱快相傳達見士
流傷嘆憐愍而偏護道法憎惡佛僧物類相
感人畜同尔有類蚩尤之犬吠於軒轅盜跖
之徒惡於夫子弗可怪也但弈覩佛法尊高

衆僧貴勝坐必居上行要在先帝王盛崇朝
臣頂戴寺塔宏壯齋供充盈民庶爭歸士女
奔湊至於玄壇之內事等荒村治觀之中還
同廢社時因祭醮託酒肉以招人或賴吉凶
假送餉以來物故微沾識解弗受欺誣少有
信心豈從迎請愧斯寂寞恒有嫉心致使虛
構浮辭強相挫辱罵詈極其醜氣呪詛窮其
惡言誹謗弗忌殃尤譏毀寧計罪福縱令眼
前焚蕩不稱其心手下屠刑寧厭其快書之
民惡其上獸惡其網斯之謂歟昔崔皓說魏
太武令破滅佛法殺害僧尼自於家內禮事
尊像太武察得忿其矯誑即便誅戮曝屍都

市勅令行人咸糞其口太武還興佛法敬事
如初又周武帝狂悖無道毀滅佛法焚燒經
像破壞塔寺罷廢衆僧遂身生癩瘡惡疾而
死斯並近代殊驗靈崇著明聖上文思久已
玄鑒亦弁之罪業方墜泥黎永劫沉淪深可憐
愍旣矜其邪謬曉以正言儻或返迷去道何
遠望諸同志咸識此心龍朔三年七月十九
日長安令清河公李義節於西明寺索破邪
論往光明寺經坊所立抄演訖以其月二十
一日進了

明槩下反古睿哲上羊歲反下正作翹想上渠

勤臻輯上側音反至騰驤下息羊反上惇史之

倫反實也又下懍勵上呂錦反下正作厲蔑聖

上都昆反厚也輕音梟音伯勞鳥也鵠響上直禁反

食也正作懔音伯勞鳥也鵠響上直禁反

計眩惑亂也音懸混淆上胡本反下雜也緇徒側

思剗心上音枯斲髓上側略謗讟下音讀干

聽干上音自貽之反余倣習反上斫也方罔也狐裘胡求以

狐貉之皮覩縷情意委曲也梳櫛反下陰亦

為上衣戴幘巾下音責冝巾上音束也貫殉義上閏反詞

也梳戴幘巾下音責冝巾上音束也貫殉義上閏反詞

同飼母餽音寺仇疋求上音天胎反上於小

伉儷反上苦浪疋偶也帝芋莢可食者也下根實

若 藕之細條也 又瘠 亦反 羸 力垂反 詎踐

云芋蕝芋之莖也 又瘠 亦反 羸 力垂反 詎踐

踏也 音賤 蛄 正音昆 下怯 苦劫反 雞肫 下音小

也 音賤 蛄 正音昆 下怯 苦劫反 雞肫 下音小

體非同下貨殖力下時稼穡二字音並酒反下體肥與

也 音賤 蛄 正音昆 下怯 苦劫反 雞肫 下音小

也 音賤 蛄 正音昆 下怯 苦劫反 雞肫 下音小

也 音賤 蛄 正音昆 下怯 苦劫反 雞肫 下音小

也 音賤 蛄 正音昆 下怯 苦劫反 雞肫 下音小

也 音賤 蛄 正音昆 下怯 苦劫反 雞肫 下音小

也 音賤 蛄 正音昆 下怯 苦劫反 雞肫 下音小

也 音賤 蛄 正音昆 下怯 苦劫反 雞肫 下音小

長	州	也	陰	閨	下	介	財	上	氏	改	頭	反	上	刺	猛	音	黼	直	林
餘	下	反	上	斲	反	私	反	上	有	反	上	黜	悲	也	反	甫	也	追	反
也	音	通	胡	矯	袁	山	宜	之	才	擊	音	也	檢	絳	八	黼	反	下	陷
丈	也	塔	假	矜	貞	力	日	反	士	樂	口	苛	繩	八	斛	去	咸	字	斧
繒	餘	也	上	有	下	泯	恤	賑	八	也	戰	虐	耕	上	斛	去	咸	字	斧
綿	騎	下	居	誤	居	無	標	樹	人	左	慄	反	上	補	十	下	聲	字	斧
陵	聲	下	古	小	陵	絕	上	苗	曰	傳	下	酷	音	鞭	斗	胡	谷	之	上
反	自	去	馬	反	表	也	米	必	八	云	懼	良	毒	何	一	斛	反	之	上
凍	鞏	反	一	字	於	二	滅	忍	愷	高	之	一	之	下	達	下	斛	反	之
餒	馬	誰	步	崗	逆	豐	茅	慕	陽	兒	反	甚	魚	却	反	他	二	屏	音
一	下	鞍	噓	氣	步	崗	逆	豐	保	又	撞	擊	自	憤	責	枚	下	風	甫
也	乃	同	與	氣	崗	下	草	子	又	下	降	上	慨	反	上	數	音	也	下
作	每	紕	亦	上	剛	下	許	束	安	魚	反	直	反	下	怒	房	也	梅	白
饒	反	舉	俱	於	於	禍	許	束	也	也	吠	八	漢	苦	也	粉	眼	畫	豈
誤	飢	也	有	因	結	也	近	也	也	也	恤	愷	也	愛	也	粉	眼	畫	豈
沉	疴	十	闔	力	下	王	濬	疑	恤	貧	苦	下	叩	之	加	下	者	子	子

下音阿也
一音阿也
一音阿也
一音阿也
一音阿也
一音阿也
一音阿也
一音阿也
一音阿也
一音阿也

地螻
也下音
又音釋
呼各虵
行毒
迫脇
通人
也業
正反
作以
憎威
詒

囚
反上俱
誘也犬
酒
鮭
魚下音
圭
分肉
字穴
庖丁
反上步
古交

屠
人
乾腊
脯下音
昔
清醇
美酒市
倫反
啜
昌劣
反也

正也
作
饗
饗
日二
字音
叨
鐵
貪財
黍
麥
亦上
式呂
反

壑
各下呼
反呼
湊集
反上聚
也奏
猥雜
鄙上烏
也惡
也反
彈述
音上

丹同
妍醜
反上宜
牽
冶
鑄
鑪二
字音
鎔
鑄
野
注
有
娘
音下

也身
孕
胤
余鎮
反好
也牽
圈
卷上
音緣
棄
也
檻
也
其
猪
噓
音下

下也
音虛
桑
榮
木下
正作
穀
倉
儲
積下
音除
充
物
音下

氣吹也
充也
鞠躬
木下
名也
一
瓢
屬下
毗
遙
反
為
飲
瓠
之
餒
夫
音下

滿乃益也
每也
居上
音反
迭
出
反上
徒可
結
以
為
飲
器
餒
夫
音下

擅
反上
扇下
反時
懲
誠音
也澄
少
昊
胡上
道去
反聲
下
不
肖
笑下
音
帝

反下
反時
誠音
也澄
音反
胡上
道去
反聲
下
笑下
音

擊至下音滿下音暮下音居其音昇音寒下音浞下音王下音莽下音

朗反繩効推下音胡得反也作効誤猜貳上七反倭上音諂上音定上音反効

淆亂交上音反戶謙挹伊下音入正作揖嘉遁下徒困築上音竹音

碣石上渠緝修入上音攸序上音由岷多上音業上音其反

張泮下音判音姓田反呂反雒陽上音慚憤粉上音慙字下音房反

字鼠璞下音疋雉鳳上音野雞也反惺息井反拯拔

上蒸字女媧下音鵲畫全上音子豁虛上音呼壇場

二字音薑厚下音釐米上音穀栽時下音侍

亦界分也厚卸甲下音榮米字上音穀栽時下音侍

耕穫下音胡郭灌畦下音貫澆沃也汪埠下音婦正音

厚也土蕭銑下音先堤堰上音携田區也積土下音於建

脣吻下音武粉反逞反領梟音上音堯反古鳩響上音禁反

蚩尤

之上尺反

盜跖

之下音

宏壯

之上惠反

奔湊

之下七反

送

餉

之下詩尚反

欺誣

之下音

寂寞

之下音

挫辱

之上則反

送

呪詛

之下側助反

曝屍

之上蒲報反

木反

之日反



